儒学复兴的前兆

- 1 印度佛教自汉传入中国,经魏晋南北朝之演变,产生中国佛教之三宗,于隋唐大兴。佛教哲学之精彩
- 2 处,在于对主体性的肯定,其实质是一与儒道不同的心性论哲学。中国佛教之兴盛,一方面是由于秦燹之
- 3 后,古学失传。汉儒之宇宙论,魏晋之玄学,皆粗鄙之论,不能与佛教相抗衡。另一方面,佛教也在不断
- 4 适应中国。禅宗判客观世界为中性,于得悟无害亦无益,已是佛教对中国心灵作出的最大程度的适应。然
- 5 舍离世界为佛教不可让步之根本原则,终不能与中国精神相契合。欲与佛教论短长,必须检讨汉儒之宇宙
- 6 论,回归心性论哲学,直面主体和精神境界之问题。此思想倾向滥觞于中晚唐。

7 1 道教内丹派

- 8 唐代,道教内丹派兴盛,借佛老儒之观念言修炼理论,有探索精神境界问题之倾向。然道教理论驳杂
- 9 无章,于思想发展之影响极小。此处仅撮述道教之发展以及基本教义。
- 10 道教源于先秦"有方之士"。汉代始有宗教组织形式。南北朝时,刘宋之陆修静(406-477),元魏之寇
- 11 谦之(365-448),皆道流之领袖。其教义以神仙方术为主,与先秦老庄之学相左。更兼收阴阳五行之说,
- 12 河图洛书之形,佛老周易之文,基于古代粗鄙幼稚之宇宙论,炼丹斋醮,采药烧香,行医问卜,以求长生
- 13 不老,白日飞升,呼风唤雨,撒豆成兵。就思想层面而言,道教代表了积极解释、控制、利用自然之态度,
- 14 其建树多在科学技术方面。
- 15 唐代,皇室李姓,遂与道教之"老君"联宗,道教大盛。隋代苏元朗(?-?)倡"内丹"之说,自炼精气以
- 16 求长生,轻视金石丹药。其说盛行于唐,广传于宋。此说实为杂取儒释道之说,讲一套修炼理论,对思想
- 17 界影响极小,但代表了探索内部精神境界问题的趋势。

18 2 韩愈

- 19 韩愈(768-824),字退之,唐代反佛教倡儒学之先驱。就文学而言,韩退之提倡古文,反对隋唐绮丽
- 20 颓废之风,是"起八代之衰"的大文豪。《谏佛骨表》可谓对佛教宣战之檄文:
- 21 今无故取朽秽之物,亲临观之,巫祝不先,桃茹不用,群臣不言其非,御史不举其失,臣实耻之。乞
- 22 以此骨付之有司,投诸水火,永绝根本,断天下之疑,绝后代之惑。使天下之人,知大圣人之所作为,出
- 23 于寻常万万也。岂不盛哉!岂不快哉!佛如有灵,能作祸祟,凡有殃咎,宜加臣身,上天鉴临,臣不怨悔。

- 24 韩愈反佛教立场鲜明。然退之不长于理论构建,亦不精坟籍考训。
- 25 韩愈主张以孟子为儒学之正统。《原道》云:
- 26 曰: "斯道也,何道也?"曰: "斯吾所谓道也,非向所谓老与佛之道也。尧以是传之舜,舜以是传之禹,
- 27 禹以是传之汤,汤以是传之文、武、周公,文、武、周公传之孔子,孔子传之孟轲。轲之死,不得其传焉。
- 28 孟子之后,道不传矣。秦汉以降,所传非道,皆为歧途。《原道》云:
- 29 周道衰,孔子没,火于秦,黄老于汉,佛于晋、魏、梁、隋之间。其言道德仁义者,不入于杨,则归
- 30 于墨;不入于老,则归于佛。
- 31 此处实为文人铺排之语,仅表明立场。
- 32 孟子之后, 道既不传, 而天下误以佛老之学为道。《原道》评儒道曰:
- 33 博爱之谓仁,行而宜之之谓义,由是而之焉之谓道,足乎己而无待于外之谓德。仁与义为定名,道与
- 34 德为虚位。故道有君子小人,而德有凶有吉。老子之小仁义,非毁之也,其见者小也。坐井而观天,曰天
- 35 小者,非天小也。彼以煦煦为仁,孑孑为义,其小之也则宜。其所谓道,道其所道,非吾所谓道也。其所
- 36 谓德,德其所德,非吾所谓德也。凡吾所谓道德云者,合仁与义言之也,天下之公言也。老子之所谓道德
- 37 云者,去仁与义言之也,一人之私言也。
- 38 《谏佛骨表》又评佛教曰:
- 39 夫佛本夷狄之人,与中国言语不通,衣服殊制;口不言先王之法言,身不服先王之法服;不知君臣之
- 40 义,父子之情。假如其身至今尚在,奉其国命,来朝京师,陛下容而接之,不过宣政一见,礼宾一设,赐
- 41 衣一袭,卫而出之于境,不令惑众也。况其身死已久,枯朽之骨,凶秽之馀,岂宜令入宫禁?
- 42 韩愈行文气势非凡,然其旨不过言儒学与佛老殊途。
- 43 韩愈反佛老立场鲜明,然其理论浅薄。《原道》驳斥佛老,确立儒学,曰:
- 44 帝之与王,其号虽殊,其所以为圣一也。夏葛而冬裘,渴饮而饥食,其事虽殊,其所以为智一也。今
- 45 其言曰:"曷不为太古之无事"?"是亦责冬之裘者曰:"曷不为葛之之易也?"责饥之食者曰:"曷不为饮之之易
- 46 也?"传曰:"古之欲明明德于天下者,先治其国;欲治其国者,先齐其家;欲齐其家者,先修其身;欲修其
- 47 身者,先正其心;欲正其心者,先诚其意。"然则古之所谓正心而诚意者,将以有为也。今也欲治其心而外
- 48 天下国家,灭其天常,子焉而不父其父,臣焉而不君其君,民焉而不事其事。孔子之作《春秋》也,诸侯
- 49 用夷礼则夷之,进于中国则中国之。经曰:"夷狄之有君,不如诸夏之亡。"《诗》曰:"戎狄是膺,荆舒是惩"
- 50 今也举夷狄之法,而加之先王之教之上,几何其不胥而为夷也?
- 51 行文立场鲜明,情感充沛,但全然不见理论力量。
- 52 韩愈另有《原性》之文,亦多朦胧语。开篇云:
- 53 性也者,与生俱生也;情也者,接于物而生也。
- 54 言"性"为生而有者,可见韩愈不解孟子性善之说。下文谓性分上中下三品,曰:
- 55 曰性之品有上、中、下三。上焉者,善焉而已矣;中焉者,可导而上下也;下焉者,恶焉而已矣。
- 56 又曰性包含仁义礼智信五种美德,曰:

- 57 其所以为性者五: 曰仁、曰礼、曰信、曰义、曰智。
- 58 性既"与生俱生",分为三品,而又包含诸德。此理不通。
- 59 《原性》下文又谓:
- 60 孟子之言性曰:人之性善;苟子之言性曰:人之性恶;扬子之言性曰:人之性善恶混。夫始善而进恶,
- 61 与始恶而进善,与始也混而今也善恶,皆举其中而遗其上下者也,得其一而失其二者也。
- 62 可见韩愈不皆孟荀扬之学。
- 63 总之,韩愈反佛倡儒立场坚定,为儒学复兴之先驱,但其理论浅薄。

64 3 李翱

- 李翱(?→?),字习之,大致与韩愈同时。其说主要见诸《复性书》。
- 66 《复性书》开篇先论"性"与"情",其文曰:
- 67 人之所以为圣人者,性也,人之所以惑其性者,情也。喜怒哀惧爱恶欲,七者皆情之所为也。情既昏,
- 68 性斯匿矣,非性之过也,七者循环而交来,故性不能充也。
- 69 此处言"性"为成圣之基础。人实现其"性",遂为圣人。然"性"会受"情"之阻碍,其不能实现"非性之过"。
- 70 "情"可阻碍"性"之实现,非消灭"情"之意,只是将"情"置于"性"之统帅。《复性书》上云:
- 71 虽然,无性则情无所生矣。是情由性而生,情不自情,因性而情。性不自性,由情以明。性者天之命
- 72 也,圣人得之而不惑者也;情者性之动也,百姓溺之而不能知其本者也。
- "情"之存在依附于"性",故曰"因性而情"。"情"为"性"之显现,故曰"由情以明"。凡俗之人陷溺于"情","性"
- 74 不显现。圣人之"性"充分发用,故曰"得之而不惑"。然圣人亦非无"情",凡俗亦非无"性"。下文又谓:
- 75 圣人者岂其无情耶?圣人者、寂然不动、不往而到、不言而神、不耀而光、制作参乎天地、变化合乎
- 76 阴阳,虽有情也,未尝有情也。然则百姓者,岂其无性耶?百姓之性与圣人之性弗差也,虽然,情之所昏,
- 77 交相攻伐,未始有穷,故虽终身而不自睹其性焉。
- 78 总之,人人皆有"性""情"。倘"性"占支配地位,其发用使人成圣;反之,则"情"使"性"昏,遂坠凡俗。故
- 79 《复性书》以"尽其性"为价值所在。《复性书》上云:
- 80 《易》曰:"夫圣人者,与天地合其德,日月合其明,四时合其序,鬼神合其吉凶,先天而天不违,後
- 81 天而奉天时。天且勿违,而况於人乎?况於鬼神乎?"此非自外得者也,能尽其性而已矣。